



30.april 2019

UPA2019/194

Nunatsinni nioqqutissat akiisa OECD-imi inuussutissat ulluinnarni atorneqakkajuttut naliginnaasumik akiisa agguaqatigiisinnerinut naleqqiullugu nunatsinni qaffasippallaarujussuarnerisa sumik tunngaveqarnersut misissueqqullugit naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuineq UKA2020-imi nallertinnagu inatsisartunut saqqummiunneqassaaq.

(Inatsisartunut ilaasortaq Aleqa Hammond, Nunatta Qitornai)

Siunnersuuteqartut ugguuna isumaqatigaavut tassalu ullumikkut inuuniarneq aammalu inuussutissatigit akit atuutsinneqartut aningaasamut pisissutaasinnaasumut sanilliullugu qaffasippallaarujussuarmata. Akit nikerarneri aammalu qaffakkaluttuinnarneri inuuniarnermi annertuumik oqimaattorsiortitsipput, pingaartumik isertitaqqortunngitsut akunnattunillu isertitaqartut annertuumik artorsartinneqarput.

Inuiaqatigiinni inuuniarneq akitigit siunnersuuteqartuniit Bulgariamisulli akikitsigisumik akitigit atugassaqalinngisaannassasugut isumaqarpugut, kisiannili akit qanoq qaffasitsigilinnginnissaanut pisussaaffeqarpugut sulissalluta.

Assersuutigalugu inuussutigineqarsinnaasut avataaniit tikiorartitavut angallanneranut annertuumik akiliisarpugut, nunanullu niueqatitsinnit ungasissorsuarminiinnitta nassatarisaanik assartuineranut aki qaffasissuq akilertarparput.

Ilaatigit pisiniarfimmi inuussutissat akii pisiniarfiit assigiinngitsut akornanni sanillersuunnerinnaatigulluunniit akit assigiinnginnerujussui ersertarput, aperinarlunilu sungami pissutsillu suummata akit taama assigiinngitsiginnaappat aammalu sooq taama qaffasitsigaat. Pisussaaffeqarpugut pissutsit paasisimalluarnissaanik aammalu ujartuineq siunnersuuteqartuniit oqaatigineqartoq isumaqatiginaqaaq.

Pisiassaq tunisisimit pisiarinqarneranit pisiartumit pisiarinqarnissaanut aqut suna aqutigineqarsimanersoq qanorlu aningaasartuuteqarnerulersitsinersoq eqqarsaatissaavoq, ilaatigullu tamanna paasinarsinnaasarpoq akit qaffasinnerinut soorlu timmisartukkut aqut akilerneqarsimatillugu imaluunniit angalanneranut immikkut aqqissuussisoqarsimatillugu. Ilaatigulli aamma aperinartarpoq pisiniarfiit ilumut namminerisamik ingasattajaartumik qaffaanginnartannginnersut aperisariaqarnarluni. Assersuutit taatigu mattak kiilumut knapk-ip akigititai tunngavilugit piniartunit pisiniarfiup pisiareriartugut minnerpaamik marloriaatinngorlugut tuniartalertarnerat suliareqqiinerimik annerusumik nassataqanngitsoq taamaallaalli poortorneqarnikoq sooq taamatut ittut akuerisimaannassuavut? Nunatsinni pisiassap qummut

Nunatta Qitornai

Inatsisartuni



procentimik iluanaarutigineqarsinnaaneranut killissarititanik malittarisassaqaqanngilagut (avancelov) qulakkeerinnissutaasinnaasoq akit pakkersimaarneqarnissaannut pingaartumik inuussutissat eqqarsaatigalugit.

Isummat amerlaqaat aammalu akit qaffasinnerinut peqqutit amerlaqaat, kisiannili soqutiginarartilluinnarparput misissueqqusissutip inernerisinnaasaanut tusarnissaq taamaammat siunnersuutip ataatsimiitaliamut ingerlateqqinneqarnissaanut tapersiivugut.